



REPUBLIKA E SHQIPËRISË

KËSHILLI I LARTË
GJYQËSOR

AUTORITETI KOMBËTAR PËR
SIGURINË KIBERNETIKE

Nr. 4189 Prot.

Nr. 722 Prot.

Tiranë,
më 28. 08. 2024

Tiranë,
më 27. 08. 2024

MARRËVESHJE BASHKËPUNIMI

Kjo Marrëveshje Bashkëpunimi është dakordësuar ndërmjet palëve të mëposhtme:

- a) Autoriteti Kombëtar për Sigurinë Kibernetike (në vijim “AKSK”), me adresë:
Rruga “Papa Gjon Pali i II”, nr.3, Tiranë, **përfaqësuar nga Drejtori i Përgjithshëm Z. Igli Tafa**,
dhe
- b) Këshilli i Lartë Gjyqësor (në vijim “KLGJ”), me adresë: Rruga “Ana Komnena”,
Tiranë, **përfaqësuar nga Kryetare Znj. Naureda LLagami**;

Duke pranuar se Teknologjitë e Informacionit dhe të Komunikimit (TIK) kanë hapur dritare të reja mundësish dhe janë mjete thelbësore për zhvillimin socio-ekonomik të shteteve;

Duke pranuar se TIK kanë sjellë gjithashtu lloje të reja kërcënimesh si: krimi kibernetik, spiunazhi kibernetik, aktivizimi, terrorizmi kibernetik, lufta kibernetike, sulmet ndaj infrastrukturës kritike, fushat e dezinformimit; dhe se këto kërcënime janë në rritje globalisht, ndërkombëtarisht, në mënyrë dinamike dhe po shfaqen gjithnjë e më të sofistikuara;

Palët kanë interesa strategjike të përbashkëta dhe bien dakord të bashkëpunojnë në fushën e informacionit bazuar në përfitime të njëjta dhe reciproke, për të përmirësuar bashkëpunimin në përgjigje të incidenteve të sigurisë së informacionit.

Duke pranuar rolin e Palëve në fushën e sigurisë kibernetike, në zbatimin e politikave dhe reagimeve operacionale, zhvillimin e mjeteve dhe në kuadrin rregullator.

Palët synojnë të përcaktojnë qëllimet kryesore, objektivat, fushat dhe format e bashkëpunimit, të përfshira në këtë Marrëveshje Bashkëpunimi për sa vijon.

Neni 1

QËLLIMI

Kjo Marrëveshje Bashkëpunimi ka për qëllim të promovojë bashkëpunimin në fushën e sigurisë kibernetike ndërmjet Palëve si dhe të përmirësojë shkëmbimin e informacionit ndërmjet palëve në lidhje me sigurinë kibernetike bazuar në specifikimet sipas Nenit 4 të kësaj Marrëveshje Bashkëpunimi.

Neni 2

BAZA LIGJORE

Kjo Marrëveshje Bashkëpunimi bazohet në ligjin nr.25/2024 “Për Sigurinë Kibernetike”, ligjin nr. 115/2016 “Për organet e qeverisjes së sistemit të drejtësisë”, i ndryshuar, ligjin nr. 98/2016 “Për organizimin e pushtetit gjyqësor në Republikën e Shqipërisë”, i ndryshuar, ligjin nr. 9887, datë 10.03.2008 “Për mbrojtjen e të dhënave personale”, i ndryshuar, vendimi i Këshillit të Ministrave nr. 1084, datë 24.12.2020 “Për miratimin e Strategjisë Kombëtare për Sigurinë Kibernetike dhe Planit të Veprimit 2020-2025”, si dhe vendimi i Këshillit të Ministrave nr. 553, datë 15.07.2020 “Për miratimin e listës së infrastrukturave kritike të informacionit dhe të listës së infrastrukturave të rëndësishme të informacionit”, i ndryshuar”.

Neni 3

STATUSI DHE FUSHA E MARRËVESHJES SË BASHKËPUNIMIT

1. Kjo Marrëveshje Bashkëpunimi përcakton kornizën brenda të cilës Palët synojnë të bashkëpunojnë për të arritur qëllimet e përcaktuara në nenin 1.
2. Kjo Marrëveshje Bashkëpunimi nuk ka për qëllim të krijojë, mbajë ose imponojë të drejta dhe detyrime ligjore ndaj Palëve ose ndërmjet Palëve të treta. Zbatimi i kësaj Marrëveshje Bashkëpunimi nga Palët e përcaktuara në të, i nënshtrohet përcaktimeve ligjore në fuqi.

Neni 4

FUSHAT E BASHKËPUNIMIT

1. Për të arritur qëllimin e mësipërm të kësaj Marrëveshje Bashkëpunimi Palët synojnë të bashkëpunojnë në fushat e mëposhtme:
 - a) Vendosjen në dispozicion të kopjes së logeve;
 - b) Ndarjen e informacionit në lidhje me përhapjen e programeve keqdashëse;
 - c) Shkëmbimin e indikatorëve të kompromisit;
 - d) Ofrimin e informacionit për zgjidhjet e mundshme në fushën e sigorisë së informacionit;
 - e) Shkëmbimin e materialeve edukative dhe trajnuese lidhur me sigurinë kibernetike;
 - f) Bashkëpunimin dhe koordinimin e ndërsjelltë në lidhje me zhvillimin e seminareve teknike, edukative dhe trajnimeve;
 - g) Ofrimin e asistencës informative këshilluese në hetimin dhe eliminimin e incidenteve të sigorisë së informacionit;
 - h) Shkëmbimin e informacionit mbi rreziqet e sigorisë së informacionit;

Neni 5

SHKËMBIMI DHE PËRDORIMI INFORMACIONIT

1. Palët marrin përsipër të shkëmbejnë informacionin për qëllimet e kësaj Marrëveshje duke ruajtur Konfidencialitetin. Shkëmbimi i informacionit sipas kushteve të kësaj Marrëveshje Bashkëpunimi, do të kryhet në përputhje me legjislacionin në fuqi, politikat dhe mekanizmat në fuqi të palëve.
2. Asnjëra palë nuk do të shpërndajë informacionet e marra nga Pala tjetër sipas përcaktimeve të kësaj Marrëveshje Bashkëpunimi, asnjë pale të tretë pa pëlqimin paraprak me shkrim të Palës tjetër.
3. Palët do të zbatojnë mbrojtjen e të dhënave personale, sipas kuadrit ligjor në fuqi.
4. Palët do të caktojnë një person kontakti përgjegjës për komunikimet ndërmjet Palëve në kuadrin e kësaj marrëveshjeje. Në rast të ndryshimit të personit të kontaktit nga njëra prej palëve, të dhënat e tij i njoftohen pales tjetër brenda 7 (shtatë) ditëve.
5. Çdo aktivitet i përbashkët që përfshin pronësinë intelektuale do të dakordësohet me shkrim nga Palët për të mbrojtur interesat përkatëse.

Neni 6

ZGJIDHJEN E MOSMARRËVESHJEVE

Çdo mosmarrëveshje ndërmjet Palëve në lidhje me interpretimin dhe/ose zbatimin e kësaj Marrëveshje Bashkëpunimi do të zgjidhet në mënyrë miqësore nëpërmjet konsultimeve dhe/ose negociatave ndërmjet tyre.

Neni 7

FILLIMI, KOHËZGJATJA DHE PËRFUNDIMI I MARRËVESHJES

1. Kjo Marrëveshje Bashkëpunimi hyn në fuqi në datën e nënshkrimit të saj nga të dyja Palët.
2. Kjo Marrëveshje Bashkëpunimi nënshkruhet për një afat të pacaktuar dhe Palët mund ta ndërpresin atë në çdo kohë duke njoftuar palën tjetër me shkrim.
3. Aktivitetet që janë në proces në momentin e përfundimit të marrëveshjes, do të përfundojnë në përputhje me dispozitat e kësaj marrëveshjeje.
4. Kjo Marrëveshje Bashkëpunimi mund të ndryshohet me marrëveshje reciproke me shkrim të Palëve. Ndryshimet do të konsiderohen pjesë integrale e marrëveshjes.
5. Nje ndryshim i kësaj marrëveshjeje do të hyjë në fuqi në datën e përcaktuar reciprokisht nga Palët.
6. Palët kanë detyrimin e ruajtjes së konfidencialitetit të informacionit të shkëmbyer edhe pas përfundimit të kësaj marrëveshjeje.

Neni 8

KOSTOT, SHPENZIMET DHE BURIME

Çdo Palë merr përsipër shpenzimet e veta dhe i siguron vetes burime për ekzekutimin e kësaj marrëveshje dhe shpenzimeve të tjera të lidhura me të. Të gjitha aktivitetet sipas kësaj Marrëveshje Bashkëpunimi, do t'i nënshtrohen disponueshmërisë së burimeve financiare dhe njerëzore në përputhje me legjislacionin në fuqi.

Neni 9

TË NDRYSHME

1. Kjo Marrëveshje Bashkëpunimi hartohet dhe zbatohet në përputhje me ligjin shqiptar.
2. Kjo Marrëveshje Bashkëpunimi përpilohet në gjuhën shqipe dhe nënshkruhet në 4 (katër) kopje origjinale me fuqi të njëjtë juridike, 2 kopje për secilën Palë.

**Neni 9
INFORMACIONET E KONTAKTIT**

KËSHILLI I LARTË GJYQËSOR	AUTORITETI KOMBËTAR PËR SIGURINË KIBERNETIKE
Emër: Henri Hatillari	Emër: Vilma Tema
Institucioni: KLGJ	Institucioni: AKSK
Telefon: +355 69 37 76 711	Telefon: +355 67 28 32 222
Adresë e-mail: Henri.Hatillari@klgj.al	Adresë e-mail: vilma.tema@aksk.gov.al
Telefon 24/7: +355 69 37 76 711	Telefon 24/7: +355 4 22 210 39
Telefon emergjencash: +355 69 37 76 711	Telefon emergjencash: +355 67 28 32 222
Adresa: Rr. "Ana Komnena", Tiranë	Adresa: Rr. "Papa Gjon Pali i II", nr.3, Tiranë

**PËR
KËSHILLIN E LARTË
GJYQËSOR**

KRYETARE

NAUREDALLAGAMI



**PËR
AUTORITETIN KOMBËTAR PËR
SIGURINË KIBERNETIKE**

DREJTOR I PËRGJITHSHËM

IGLI TAFIA

